



UNIVERSITI TEKNOLOGI MARA CAWANGAN PULAU PINANG

PEKELILING TIMBALAN REKTOR (AKADEMIK)

Bilangan 4 Tahun 2020

PANDUAN PERLAKSANAAN PENGAJARAN & PEMBELAJARAN, PENILAIAN & PENTAKSIRAN, LATIHAN INDUSTRI, PROJEK TAHUN AKHIR DAN PASCA SISWAZAH DI UiTM CAWANGAN PULAU PINANG BERIKUTAN PENULARAN WABAK COVID-19 DAN PERINTAH KAWALAN PERGERAKAN (PKP) SEPANJANG SESI II 2019/2020

1.0 TUJUAN

Panduan ini dikeluarkan sebagai rujukan warga akademik UiTM Cawangan Pulau Pinang berkenaan pelaksanaan aktiviti akademik sepanjang semester Sesi II 2019/2020 berikutan Perintah Kawalan Pergerakan berikutan penularan wabak Covid-19.

2.0 LATAR BELAKANG

UiTM Cawangan Pulau Pinang mendukung usaha dan perancangan pengurusan tertinggi UiTM dalam menghadapi kemelut penularan wabak COVID-19 yang sedang melanda ketika ini, serta Perintah Kawalan Pergerakan (PKP) yang sedang berjalan. UiTM Cawangan Pulau Pinang melalui edaran ini akan menggariskan panduan khusus buat warga akademik kampus dalam melaksanakan penyampaian pengajaran dan pembelajaran serta penilaian yang selari dan sejajar dengan merujuk kepada:

- 2.1 Pekeliling Naib Canselor Bil. 08/2020, 25 Mac 2020.
- 2.2 Pekeliling Timbalan Naib Canselor (Akademik & Antarabangsa) Bil.01/2020, 25 Mac 2020.
- 2.3 Panduan Pengendalian Program Pendidikan Tinggi Semasa dan Pasca Perintah Kawalan Pergerakan Covid-19, MQA, 29 Mac 2020.
- 2.4 *Guiding Principles On Teaching-Learning And Assessment Implementation During Covid-19 Pandemic*, EAC BEM, 31 Mac 2020.
- 2.5 Pekeliling Naib Canselor Bil. 09/2020, 1 April 2020.
- 2.6 Pindaan Kalendar Akademik Bagi Sesi II 2019/2020, 3 April 2020.
- 2.7 Mesyuarat Senat 256 (Khas) pada 3 April 2020.

3.0 PERLAKSANAAN

3.1 PENYEMPURNAAN TUGAS PENSYARAH

- 3.1.1 Pensyarah perlu melaksanakan sesi pengajaran dan pembelajaran secara online learning atau Open and Distance Learning (ODL) dari rumah masing-masing sepanjang semester ini.
- 3.1.2 Walaubagaimanapun, penolong pensyarah tidak termasuk dalam arahan 3.1.1 dan masih perlu hadir ke kampus pada waktu pejabat.
- 3.1.3 Pensyarah perlu memanfaatkan sesi sharing session yang telah dijalankan oleh e-learning taskforce UiTM CPP dan merujuk kepada pautan berikut untuk bantuan atas talian oleh BHEA dan iCEPS UiTM Shah Alam:
 - i. <https://sites.google.com/uitm.edu.my/covid19uitmhea/cidl>
 - ii. <https://icepsuitm3.wixsite.com/learning>
- 3.1.4 Pensyarah perlu mengenalpasti kemampuan capaian internet kumpulan pelajar dalam kelas masing-masing dalam menentukan mod pembelajaran yang sesuai.
 - 3.1.4.1 Jika semua pelajar kelas tersebut mempunyai capaian internet yang memuaskan, maka sesi pembelajaran berbentuk online learning seperti uFUTURE, Microsoft Team, Google Meet, Live Youtube atau Facebook dan lain-lain boleh dijalankan.
 - 3.1.4.2 Jika sebahagian pelajar kumpulan tersebut mempunyai capaian internet yang kurang baik atau bermasalah, maka pensyarah perlu melaksanakan pembelajaran berbentuk ODL seperti penggunaan email, WhatsApp, telefon dan penghantaran bahan pembelajaran melalui post ke alamat pelajar.
- 3.1.5 Pensyarah perlu memastikan pelaksanaan sesi pembelajaran sentiasa direkodkan dan digunakan sebagai dokumen pelaksanaan tugas syarahan yang perlu dimuat naik ke MyATP.
- 3.1.6 Jadual pembelajaran pensyarah adalah tidak tertakluk kepada jadual pelajar. Pensyarah hanya perlu memastikan penyampaian silibus dapat disempurnakan dalam semester ini.
- 3.1.7 Kehadiran pensyarah ke kampus adalah dibenarkan bagi melaksanakan pengajaran dan pembelajaran kursus yang memerlukan kehadiran pelajar ke kampus. Walaubagaimanapun, kursus sebegini perlulah terlebih dahulu mendapatkan kelulusan JAN.
- 3.1.8 Selain dari situasi 3.1.6, pensyarah yang ingin ke kampus perlu mendapatkan kebenaran khas Rektor.

3.2 PENGAJARAN DAN PEMBELAJARAN

Merujuk kepada Kalender Akademik Sesi II 2019/2020 yang telah diluluskan oleh Senat pada 3 April 2020, KPP perlu menyelaraskan semua perubahan dalam penyampaian P&P dan pentaksiran secara bijaksana dengan mengambil kira GOT dan meminimalkan pergerakan pelajar ke kampus. Perubahan pelaksanaan pengajaran dan pembelajaran perlu berpandukan kepada saranan berikut:

3.2.1 KULIAH

Semua kursus berbentuk kuliah dan tutorial akan dijalankan secara *online learning* atau ODL bermula pada 13 April 2020 sehingga 1 Julai 2020. Pelaksanaan ini bagi memastikan hasrat UiTM yang ingin mengurangkan pergerakan pelajar bagi mendukung kawalan penularan yang sedang berlangsung.

3.2.2 MAKMAL, AMALI DAPUR DAN KLINIKAL

Semua pelaksanaan makmal, amali dapur dan amali klinikal boleh diteruskan secara *online learning* atau ODL semasa sesi Kuliah 2 yang bermula pada 13 April 2020 sehingga 24 Mei 2020 melalui kelulusan JAN. Sesi pembelajaran yang memerlukan kehadiran pelajar di makmal dan dapur boleh dilaksanakan pada sesi Kuliah 3b bermula 4 Jun 2020 sehingga 9 Ogos 2020 bergantung kepada perkembangan terkini tempoh PKP.

3.2.3 CAPSTONE/IDP/EMBEDDED LAB COURSES

Kursus *capstone*, IDP serta kursus teori yang mempunyai *embedded-lab* yang berbentuk *hardware-based project* yang dijalankan oleh pusat pengajian kejuruteraan boleh ditukar kepada *simulation-based project* dengan mengekalkan dan menyesuaikan *Course Learning Outcome (CLO)* terlibat. Ini merujuk kepada saranan EAC di para 2.4 di atas. Walaubagaimanapun, jika ada keperluan pelajar hadir untuk pelaksanaan kajian yang tidak dapat dielakkan, boleh menggunakan sesi Kuliah 3b dengan kelulusan JAN.

3.3 PROJEK TAHUN AKHIR

Perlaksanaan projek tahun akhir yang memerlukan kehadiran pelajar ke makmal atau dapur untuk menyempurnakan kajian lapangan atau *hardware development* boleh menggunakan sesi Kuliah 3b untuk dijalankan dengan kelulusan JAN. Walaubagaimanapun, penyelia adalah digalakkan untuk menukar bentuk kajian berdasarkan *hardware/prototype-based project* kepada *simulation/survey-based project* yang tidak memerlukan kehadiran pelajar ke kampus seperti saranan EAC di para 2.4 di atas.

3.4 LATIHAN INDUSTRI

Merujuk kepada Pek. NC Bil 8/2020, semua latihan industri adalah ditangguhkan sepanjang PKP berlangsung. MQA di para 2.3 di atas juga telah memberikan panduan bahawa sekiranya pelajar telah menjalani LI sekurang-kurangnya 70% dari tempoh yang telah ditetapkan, maka pelajar itu boleh dianggap telah tamat latihan industri dengan menggantikan baki 30% lagi kepada tugas berasaskan industri yang boleh dibuat dari rumah. Pendekatan bijaksana oleh koordinator LI adalah perlu agar pusat

pengajian dapat mengambil langkah proaktif dalam menguruskan latihan industri pelajar seperti panduan berikut:

3.4.1 LATIHAN INDUSTRI KEJURUTERAAN

Latihan industri pelajar Pusat Pengajian Kejuruteraan Awam, Elektrik, Mekanikal dan Kimia adalah ditangguhkan sepanjang PKP berlansung. Walaubagaimanapun, pelajar boleh kembali melengkapkan latihan industri setelah tamat tempoh PKP jika masih diterima oleh majikan yang sama. Sekiranya tidak, maka proses mendapatkan tempat latihan yang baru mesti disegerakan atau menangguhkan terus latihan industri ke semester hadapan.

3.4.2 LATIHAN KLINIKAL SAINS KESIHATAN DAN FARMASI

Latihan klinikal yang dilaksanakan oleh Pusat Pengajian Sains Kesihatan dan Farmasi perlu ditangguhkan sepanjang PKP dilaksanakan. Walaubagaimanapun, sekiranya setelah tamat PKP, fasiliti KKM yang menjadi tempat latihan klinikal masih menjadi tempat berisiko jangkitan Covid-19 atas pertimbangan pusat pengajian, maka koordinator LI perlu menguruskan tempat yang baru bagi pelajar atau menangguhkan terus latihan klinikal ini ke semester hadapan.

3.4.3 WORK BASED LEARNING (WBL)

Perlaksanaan WBL di hotel-hotel komersial oleh Pusat Pengajian Pengurusan Hotel dan Pelancongan perlu ditangguhkan sepanjang PKP dijalankan. Pelajar boleh kembali meneruskan WBL di tempat yang sama setelah tamat tempoh PKP, tetapi jika ada risiko wabak Covid-19 kepada pelajar berdasarkan semakan pusat pengajian, maka pelajar perlu menangguhkan WBL sesi ini kepada semester hadapan.

3.5 PENILAIAN DAN PENTAKSIRAN

- 3.5.1 Semua kursus yang mempunyai perperiksaan akhir perlu ditukar kepada penilaian berterusan dengan mengekalkan tahap penilaian seperti tergaris dalam course learning outcome yang terlibat.
- 3.5.2 Oleh itu perubahan pada CAP dan SLT setiap kursus bagi program PU adalah perlu. Perubahan ini akan dibuat oleh Resource Person (RP), disemak oleh KPP dan Koordinator UHEK sebelum dimajukan kepada JAN untuk kelulusan.
- 3.5.3 Semua kursus yang mengalami perubahan CAP dan SLT dan telah diluluskan oleh JAN perlu dikemaskini didalam AIMS selewatnya 12 April 2020.
- 3.5.4 Semua penilaian berterusan perlu dilaksanakan selewat-lewatnya 21 Julai 2020.
- 3.5.5 Template RES PLAO akan digunakan untuk proses muatnaik markah bagi pengurusan pada perperiksaan semester ini.

3.6 PASCA SISWAZAH

Semua pelaksanaan pengajaran dan pembelajaran program EMBA adalah secara *online learning* atau ODL sepanjang semester ini. Walaubagaimanapun KPPS akan mengemaskini dan membuat pemakluman utk sebarang perubahan terkini dari AAGBS UiTM Shah Alam selaku *program owner*.

3.7 PENGURUSAN OPERASI AKADEMIK PROGRAM PU DAN PP

Semua KPP yang menguruskan program PP perlu mengambil maklum keputusan dan arahan operasi akademik oleh PU program terlibat, terutamanya dari segi perubahan pelaksanaan CAP dan SLT serta mengenalpasti urusan lain termasuk pergerakan pelajar yang perlu kembali ke kampus untuk menyempurnakan proses pengajaran dan pembelajaran jika perlu. Cadangan dari PU perlu dibentangkan didalam JAN untuk kelulusan dan gunapakai.

4.0 KESIMPULAN

Adalah diharapkan agar semua Ketua Pusat Pengajian dan Jabatan serta pensyarah dapat mengambil maklum terhadap panduan ini untuk pengurusan akademik di pusat pengajian dan jabatan masing-masing. Bahagian Hal Ehwal Akademik UiTM Cawangan Pulau Pinang akan memberikan pemakluman dari semasa ke semasa agar perjalanan akademik UiTM CPP berjalan dengan lancar di sebalik dugaan penularan wabak Covid-19 yang melanda negara buat masa ini. Sama-samalah kita berdoa agar penularan wabak ini dapat dikawal sebaiknya.

5.0 TARIKH DIKELUARKAN

Pekeliling ini dikeluarkan pada 4 April 2020

6.0 TARIKH KUAT KUASA

Pekeliling ini berkuat kuasa mulai 4 April 2020

7.0 PEMAKAIAN

Pekeliling ini adalah terpakai kepada semua pensyarah Universiti Teknologi MARA Cawangan Pulau Pinang dan untuk edaran dalaman sahaja.



PROF. MADYA IR DR AHMAD RASHIDY RAZALI
Timbalan Rektor (Akademik)

Surat Kami : 100-UiTMPP(HEA 6/7/1)